



partii naleraq

Nuuk, 4. maj 2015

Per Rosing-Petersen

UPA2015/141

Nunat Avannarliit Killiit Siunnersuisoqatigiiffiata Savalimmiuni naalakkersuisut, Kalaallit Nunaanni Naalakkersuisut Islandimilu naalakkersuisut kaammattorpaat Nunat Avannarliit Killiit Siunnersuisoqatigiiffianut qinikkatut ilaasortat, Siunnersuisoqatigiiffimmut nalunaarutit tunngavigalugit, allatigulluunniit isumaqarfigisaminnik nunat avannarliit killiit suleqatigiinnerisut tunngasunik, nunat ilasortaasut naalakkersuisuinut apeqquteqarsinnaaleqqullugit. Apeqqutit Nunat Avannarliit Killiit Siunnersuisoqatigiiffiata allattoqarfianut nassiunneqartassapput, tassangaanniillu naalakkersuisunut pineqartunut ingerlateqqinneqarlutik. Naalakkersuisut pisussaapput ilaasortamit apeqqutigineqartumut, kingusinnerpaamik apeqquteqarfigineqartup apeqqummik tigusineraniit sapaatit akunnerini arfineq-pingasut qaangiutsinnagit, akissuteqarnissamut.

(Aallartitat siulittaasuat Lars-Emil Johansen)

Siullermeerneqarnera

Nunanik allanik suleqateqarnek pingaarutilerujuvoq, tassami tamanna tunngavigalugu niueqatigiinneq aqcutissiuunneqartarami (Naalakkersuisuttoruku tamanna ilikkartiartissuk) nunallu tunisassiai taamaasillutik avammut siuariartortinneqarsinnaallutik.

Taama oqariarluta Partii Naleqqamiit aamma Namminiilivinnissaq qitiulluinnarmat anguniakkamut naapertuuttumik aalajangersaanissaq eqqaamaqqarput, tassami anguniakkamut ajornerulersitsinninnissaq aammalu atugarissaarnerulernermet assortuinngitsumik tamanullu iluaqutaasussamik aalajangersaasariaqaratta oqaatigissavarput, tamannalu inatsisiliornermi qulakkeerneqarsinnaappat peqataasinnaavugut.

Qitiulluinnartumilli namminiilivinnissatsinnut akornutaasumik aalajangersaaqataaniingilagut, soorlu aamma qularnaatumik inuiaqatigiinnut kalaallinut iluaqutaanissaata qulakkeerininnissaa Partii Naleqqamut qitiulluinnartuuvoq.

Unalu siunnersuut ilaatigut Nunat Avannarliit siunnersuisoqatigiiviniit aallaaveqartoq takuneqarsinnaammat paaserusunnarpoq suliamut atatillugu qanoq tamanna sunniuteqarsimanersoq taakkununga.

Taama Partii Naleqqamiit oqaaseqarluta uumap siunnersuutip aappassaaneerqannginnermini sukumiilluinnartumik ataatsimiititaliami suliarineqarnissaa innersuussutigissavarput.

Qujanaq.